



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 224. Quid dicendum sit in casu, quo Confessarius dubitat vel tantum probabiliter putat se habere jurisdictionem in pœnitentem vel in ejus peccatum.

urn:nbn:de:hbz:466:1-42433

lisse eam jurisdictionem , cum id nullibi dicatur , neque esset ad bonum fidelium , qui non recordantes excommunicationis possent tota vitâ , bona fide suscipere Sacra menta , & tamen nunquam accipere gratia , quod de pietate Ecclesiae presumi non potest . Quidquid sit de hoc ,

1569. §. 6. Certum est in casu urgentissimæ necessitatis , v. g. ad vitandam gravem infamiam , scandalum , periculum mortis , posse excommunicatum excommunicatione etiam reservata suscipere Sacramentum Pœnitentiaz imo & Eucharistiaz , nam Rubrica Missalis dicit excommunicatum prius sub Missa recordantem illius posse pergere , si sine infamia vel scando lo non possit abstinere , nam Ecclesiæ prohibitio non obligat , quando est moralis necessitas hoc faciendi & moralis impossibilitas non faciendi , qualis tum est .

1570. §. 7. Extra casum urgenter necessitatis , si per excommunicatum non stet , quominus absolvatur , & jam satis fecerit , aut si sit impotens satisfacere , docent Angel. & alii secluso scandalo posse petere Sacramentum Pœnitentiaz & absolvit , quia desit esse contumax , ergo non videtur privandus tam necessario Sacramento quam sententiam Carden. reputat probabilem , sed melius contradicunt Silv. & alii cum Aversa dicente esse certum , quia licet requiratur contumacia ad incurriendum , non tamen ad permanendum in excommunicatione , in qua illitus est usus passivus Sacramentorum .

Quandonam per prohibitionem audiendi confessiones censeatur tolli vel suspendi jurisdictione , dixi n. 1470. 1546. 1547.

1571. Q. 224. Quid dicendum sit in casu , quo Confessarius

sarius dubitat vel tantum probabiliter putat se habere jurisdictionem in pœnitentem vel in ejus peccatum. 82.

§. 1. In tali mera probabilitate nō est Confessario licitum absolvere, nisi aliunde accedit certitudo practica, uti constat ex prop. 1. ab Inn. XI. damnata, quia hic agitur de valore Sacramenti, quod sic exponeretur periculo nullitatis, uti explicatum est in l. 6. p. 1. à n. 104. Et multo minus licitum erit absolvere, si jurisdictione sit merè dubia absque positiva probabilitate, nisi in utroque casu excuset necessitas proximi, in qua dari debebit absolutio sub condicione, secundum dicenda n. 1770.

§. 2. Quando jurisdictione est verè probabiliis, plures possunt accedere causæ, quæ reddant illum practicè certam, & inter eas causas sunt 1. necessitas proximi, uti jam insinuatum est. 2. Suppletio Ecclesiæ in errore communi vel etiam in casu practicæ probabilitatis æquivalentis errori communi. 3. Si alias administratio vel susceptio Sacramenti Pœnitentiae fieret nimis difficilis vel odiosa fidelibus, quæ omnia fuisse explicata sunt l. 6. p. 1. à n. 110. usque ad 120. Circa illum autem, qui scit se habuisse jurisdictionem, & nunc dubitat, an adhuc habeat: item circa illum, qui dubitat, an jam habeat & unquam habuerit, videri possunt dicta ibidem n. 120.

§. 3. Si gravi peccato, ad quod confessarius 1573. habet probabilem tantum jurisdictionem, pœnitens addat leve, ad quod certò est jurisdictione, Suar. Sanch. Lugo d. 19. n. 33. Diana p. 2. t. 13. R. 2. Carden. d. 2. à n. 385. Banholzer n. 103. dicunt certum esse, quod Confessarius validè & licite absolvat, quia Sacramentum nulli expone-

Tom. VI.

LII

nitur

nitur periculo nullitatis, nam peccato levi directè dimisso, saltem indirectè remittetur grave; nec ponetur obex gratiæ. Attamen *Gobat* 7.n.120. rectè dicit in tali dubio non esse procedendum sine aliqua necessitate, quod etiam dixi p. 1.n. 109. Imò *Dicast* d. 10. nu. 199. redi notat per hoc fieri posse injuriam pœnitenti si prudenter præsumatur non esse contentum aut non fuisse confessurus tali *Confessario* non habenti certam jurisdictionem, sic enim exponitur saltem periculo obligationis peccatum suum grave iterum confitendi pro absolutione directa.

1574. *Q.* 225. *Quid censendum sit de facultatibus, quae dicuntur à Sede Apostolica concessæ Confessariis Societatis J E S U.* *R.* Facultates variae circumscripturuntur, imprimis aliquæ sub nomine *Prima*, *Secunda*, *Tertiae facultatis*, à R. P. *Ruidio Provinciali* recognitæ anno 1638. & concessæ pro regionibus septentrionalibus. Deinde quædam aliæ, tum propriæ tum communes aliis Regulæ, quæ an omnes adhuc valeant, colliguntur, poterit ex seqq. Sub finem referam aliquas facultates, quæ *Sacerdotes* concernunt.

1575. §. 1. Religiosi Societatis non possunt licet aut validè uti privilegiis, facultatibus &c. à Sede concessis, nisi in quantum à Præposito Generali fuerint illis communicatae, *Gregorius XIII.* in novo *Compendio privil. v. Communio* §. 5. Hoc *Compendium* insertum est Instituto, Pragæ ex Decreto 8. Congregationis XIV impresso anno 1705. & multa habet diversa à *Compendio antiquo*, unde cautè intelligenduntur Auctores, qui sæpe respondent ex antiquo *Compendio*, & falluntur, nisi ista convenienter cum novo